

Euro Business

Poslovni magazin EEN mreže u Bosni i Hercegovini

Broj 1



enterprise europe network

U ZENICI ODRŽANA RADIONICA O
PISANJU PROJEKATA ZA PROGRAME EU

INDIVIDUALNE KONSULTACIJE SA
BH FIRMAMA O CE OZNAČAVANJU

UNIVERZITET U SARAJEVU - AKTIVNOSTI

UNIVERZITET U ZENICI
METALURŠKI INSTITUT „KEMAL KAPETANOVIĆ“ ZENICA



Projekat finansira
Evropska unija

VANJSKOTRGOVINSKA KOMORA BOSNE I HERCEGOVINE
EURO INFO KORESPONDENTNI CENTAR BiH (EICC BiH)

UNIVERZITET U ZENICI

METALURŠKI INSTITUT „KEMAL KAPETANOVIĆ“ ZENICA

Metalurški institut „Kemal Kapetanović“ Zenica je tokom 2009. godine pored redovnog poslovanja iz registrovane djelatnosti imao niz aktivnosti vezanih za posjete različitim skupovima u cilju praćenja aktuelnih zbivanja te uključivanja u nove tokove i projekte. Navodimo neke od tih aktivnosti.

INFORMATIVNI SKUP O SEDMOM OKVIRNOM PROGRAMU



23. aprila 2009. godine u Sarajevu u zgradi Parlamentarne skupštine BiH održan je Informativni skup o Sedmom okvirnom programu Evropske zajednice za istraživanje, tehnološki razvoj i ogledne aktivnosti (FP7) pod nazivom „KA INTEGRACIJI U EVROPSKU ISTRAŽIVAČKU OBLAST“. Cilj skupa je bio upoznavanje BiH naučnih institucija i drugih interesnih grupa sa prilika koje nudi nedavno potpisano pridruživanje BiH FP7, te da se utvrde potencijalno zainteresovani partneri i zacrti put za dalju saradnju sa evropskom istraživačkom zajednicom.

Predstavnici Generalne direkcije Evropske komisije za istraživanje, COST-a te Zajedničkog istraživačkog centra, su prisutne informisali i primjerima

potkrijepili o praktičnim aspektima učešća u pozivima na podnošenje prijedloga projekata za FP7.

METALURŠKI INSTITUT NA MEĐUNARODNOJ KONFERENCIJI O MALIM I SREDNJIIM PREDUZEĆIMA

Predstavnici Metalurškog instituta „Kemal Kapetanović“ Zenica, Univerziteta u Zenici su učestvovali u Internacionalnoj konferenciji „Pridruživanje Evropskoj Uniji-mogućnosti razvoja malih i srednjih preduzeća u Jugoistočnoj Evropi“ koja je održana u Kragujevcu u Srbiji u periodu 07.05.2009.-08.05.2009. Osim predstavnika Instituta i univerziteta iz BiH Konferenciji su prisustvovali predstavnici Biznis Start-up centra Zenica i privrednici malih i srednjih preduzeća iz BiH, predstavnici klastera iz Gračanice te Mostara. U okviru konferencije 07.05.2009. godine, uz pozdravne govore predstavnika EU, Univerziteta u Kragujevcu i organizacije SPARK održane su prezentacije različitih tematskih oblasti iz nauke i privrede koje su predstavili moderatori više zemalja Jugoistočne Evrope, među kojima i predstavnik Bosne i Hercegovine.

Drugi dan – 08.05.2009. go-

dine otvoren je Sajam poduzetništva te održana su dva okrugla stola. Predstavnici Instituta i Univerziteta su učestvovali na okruglom stolu na



temu „Razvoj preduzetničkih vještina-saradnja između univerziteta i privrede“.

AKREDITIRANJE LABORATORIJA U OKVIRU INSTITUTA

Dana 27.05.2009.god. obavljeno je pred-ocjenjivanje laboratorija Instituta (tri ispitne i dvije kalibracione) u cilju sticanja međunarodne akreditacije od strane norveškog Akreditacionog tijela. Pred-ocjenjivanje je obavila gospođa Cecilie Lake, tehnički direktor ovog tijela, a posmatrač ispred BATA, bila je gospođa Nezaheta Vrcić. Ovom prilikom, uz prisustvo rukovodilaca obavljeno je pred-ocjenjivanje slijedećih laboratorija:

- Mehanički ispitni laboratorij;
- Metalografski laboratorij;
- Fizikalni laboratorij u području NDT ispitivanja;
- Mehanički kalibracioni u području sile i tvrdoće i Laboratorij za tehniku mjerenja u području kalibracije mjerila temperature

ODRŽAN NAUČNO-STRUČNI SKUP "QUALITY 2009"

Od 04. do 07. juna 2009. god. u Neumu je održan 6. Naučno-



stručni skup sa međunarodnim učešćem "QUALITY 2009", a organizator je bio Mašinski fakultet Univerziteta u Zenici u saradnji sa Univerzitetom Erlangen iz Njemačke i Asocijacijom za kvalitet u Bosni i Hercegovini.

Tematika skupa je obuhvatala četiri oblasti: kvalitet u privredi, kvalitet u obrazovanju, kvalitet u javnom sektoru i normativna regulativa u kvalitetu.

Za ovaj skup prihvaćena su ukupno 163 naučno-stručna rada iz 16 zemalja.

Sa Metalurškog instituta "Kemal Kapetanović" Univerziteta u Zenici ovom skupu su prisustvovala i aktivno učestvovala Prof.dr.Mirsada Oruč i Azemina Klobodanović, dipl. inž. sa radom "EFQM – Model za izvrsnost" ("EFQM – Model for excellence").

SARADNJA INSTITUTA I LJUBLJANSKOG IMT

Posjeta Institutu za materijale i tehnologije (IMT) u Ljubljani obavljena je 09. i 10.07.2009. godine.

Dogovorena je uzajamna saradnja koja treba da rezultira Ugovorom. Fakultet za metalurgiju i materijale i Metalurški institut dostaviće mogućnosti ispitivanja na našoj opremi a naše interesovanje je vezano

za ispitivanje na elektronskom mikroskopu (SEM i TEM).

Među ostalim aktivnostima Instituta u periodu april-august 2009. godine, izdvajamo organizaciju sljedećih obuka:

RAD NA RAČUNARIMA

Obuka za rad na računarima se održava u moderno opremljenoj sali i obuhvata Osnovnu obuku (Windows okruženje i osnove MS Word) u trajanju od dva mjeseca. Polaznici koji uspješno polože završnu provjeru znanja ostvaruju pravo na dodjelu diplome.

ZAVARIVAČA ZA ZAVARIVANJE PO RAZLIČITIM METODAMA.

Veoma tražena i atraktivna edukacija - Edukacija zavarivača je jedna od djelatnosti Instituta. Edukacija se vrši po savremenim metodama zavarivanja, a nakon položenog ispita polaznicima se dodjeljuje uvjerenje.

